

مجالس القرآن - الدرس العاشر - سورة الحديد الجزء الثاني

أحمد عامر

السلام عليكم ورحمة الله وبركاته. وعليكم السلام. الحمد لله والصلاة والسلام على رسول الله صلى الله عليه وسلم. يا رب اشرح لي صدي ويسر لي امري واحلل العقل فمن سانه فهو - [00:00:00](#)

طيب النبي صلى الله عليه وسلم قلنا الله يسامحك كان يقرأ ايه؟ المسبحات قبل ان يرقد. ما صحش الكلام المرة اللي فاتت. النهاردة الجزء الثاني من سورة الحديد. كان يقرأ المسبحات قبل ان يرقد. ومنها سورة الياه؟ سورة الحديد - [00:00:10](#)

صورة الحديد ونخش في الموضوع على طول لان احنا اصلا بنكمل. ولكن مراجعة سريعة. احنا قلنا الصورة آآ اساس موضوعها يعني اجتهدا يعني ان هي بتتكلم عن آمنوا بجد. حققوا الايمان بقى. يا ايها الذين - [00:00:34](#)

امنوا امنوا هتلاقي فيها اية كده اصلا. وان كانت موجهة لاهل الكتاب اصلا. يا ايها الذين امنوا اتقوا الله وامنوا بمعنى حققوا بقى الايمان بقى. الايمان كاملا. الايمان اه قلب اعتقاد. واه باللسان. بس ايه بقى كمان؟ بالجواب - [00:00:54](#)

والعمل وكاملا. عشان كده الحديد اللي هو هتبنوا به وتعمروا به وتعبروا عن ايمانكم به. وتجاهدوا به ويبقى قوة لكم ويبقى بأس ويبقى ردع للي مش عايز ينصر الدين ده ويبقى اقامة حق للعدل. ايمان كامل بقى ايمان شامل - [00:01:14](#)

وعشان ده يحصل بدأت الصورة زي ما قلنا اول شوط مين هو ربنا؟ مين اللي بيدعوكم للايمان؟ هل يستحق العبودية؟ هل الله اله حق؟ فبدأت السورة هو ربنا له ملك السموات والارض هو الاول والاخر هو الذي خلق له ملك السماوات والارض يولج الليل في النهار. مين هو ربنا؟ فعشان كده بعد كده خلاص دخلت في موضوع - [00:01:34](#)

مية سبعة امنوا بالله ورسوله وانفقوا مش امنوا بس بقى خلاص مش النص اللي هو انا مسلم آآ مكتوب كده في البطاقة واسمي احمد ومحمد لا اعملوا وانفقوا وما لكم الا تؤمنوا وما لكم الا تنفقوا فكانت بتدعو بقى لتحقيق الايمان وبزل حقيقة الايمان بقى في اقامة الدين ده - [00:01:54](#)

وبعد كده قالت خلوا بالكم الايمان ده هتيجي نتيجة الكلام ده في الاخرة في الشوط الثالث يوم ترى المؤمنين والمؤمنات. يسعى نورهم بين فجابت الصورة نقلتنا على الاخرة حصل ايه في بزل بجد والفق بجد واجتهد بجد وما بين اللي كان بيدعي - [00:02:14](#)

الايمان المنافقين والمنافقات اللي هم كانوا بيقولوا ايه؟ الم نكن معكم؟ انا كنت عايش معهم وباعمل زيههم والمنافقين دول مش بس يعني بيعملوا زيههم يعني ايه؟ المنافقين دول كانوا بيصلوا. كانوا بيدعوا الصلاة. وكانوا بيحضروا الجمعة، وكانوا وكانوا بس دي مش حقيقة الامام. لا الامام جوة كان صح ولا الامام برة كان بجد كان - [00:02:34](#)

ييجوا في وقت اللي هو ايه بقى؟ ده الايمان فعلا يرجعوا ورا على طول. وربنا وصف لنا ليه؟ ازاي؟ ازاي اصبحوا كده؟ قاموا انفسكم وتربستم وارتبتم واتكلمنا عن مراحل التطور المنافق ده وبعده عن الدين كان بسبب ايه. فده اللي احنا اتكلمنا فيه لحد المرة - [00:02:54](#)

وقلنا الصورة ركزت قوي على معنى امنوا وجت كثير جدا لفز امنوا والمؤمنون والمؤمنات كثير جدا وركزت جدا على معنى انفقوا. لان الانفاق وجابت البخل وجابت يقرض الله ده صورة ظاهرة لايه؟ لاقامة الدين - [00:03:14](#)

تحقيق الايمان فعلا فجابته. وركزت جدا على معنى النور يوم ترى المؤمنين والمؤمنات يسعى نورهم. انظرونا نقتبس من نوركم. قيل ارجعوا وراكم فالتمسوا نورا. وهتيجي في الاخر اخر اية خالص بقى - [00:03:35](#)

اللي هي بتدعو ثاني لخلاصة الموضوع. هتلاقيها يا ايها الذين امنوا اتقوا الله وامنوا برسوله يؤتكم كفلين من رحمته ويجعل لكم نورا.

تمشون به. ركزت قوي على النور وانه الايمان اللي هيحققه النور ده نتيجة الاعمال. نتيجة تحقيقه واقامة الدين ده والايمان. هيجي يوم القيامة يلاقي النور - [00:03:51](#)

فهي مسألة انت عملت ايه في الدنيا عشان تاخذ نور. قيل ارجعوا وراءكم فالتمسوا نورا دي صورة الحديد. وقلنا اسمها مناسب جدا لموضوعها لان خلاص هو الحديد بقى زاهر ده وسيلة او زاهر كده - [00:04:11](#)

بتفريعاته الواسعة الحديد ده بيتعمل فيه ايه؟ المبدأ نفسه منطلق من واحد عايز يعمل ايه؟ يقيم الدين. في بأس شديد هيقم الدين بالجهد هيقم الدين بالقوة هيقم الدين بالقوانين ومنافع للناس هيقم الدين ببناء بقى السفن والمباني والاسلحة والاجهزة المهم انه الحديد ده - [00:04:29](#)

احد الحاجات اللي بنقيم بها الدين. ومن الرسائل الواضحة جدا انه الدين مش ايه؟ مش شوية شعائر ومشاعر وخلاص. لا هو كل حاجة. حياة كاملة حديد اساس عشان ايه الحياة دي تمشي يعني. فاحنا وقفنا عند اية ستاشر وده الشرط الايه - [00:04:49](#)

الشوط الرابع بعد الشوط بتاع العقيدة مين هو ربنا والشوط بتاع امانة والشوط بتاع ايه اللي بيحصل في الاخرة الشوط الرابع الم يأن للذين امنوا ان تخشع قلوبهم لذكر الله وما نزل من الحق. اية عجيبة اية اية قوية سيدنا عبد الله ابن مسعود قال ما كان بين - [00:05:09](#)

اسلام اسلامنا وبين ان عاتبنا الله بهذه الاية الا اربع سنين. احنا قلنا اصلا السورة دي مدنية. بس في بعض يعني مش معنى ان الصورة مدنية ان هي كلها مدنية. ممكن تبقى صورة مدنية بس جواها اية مكية او بعض الايات المكية. خلاص؟ فشوف سيدنا مسعود بيقول ايه - [00:05:29](#)

احنا كنا يعني بقى لنا اربع سنين مسلمين. بعد اربع سنين ربنا بيقول لنا امنوا بقى سيدنا مسعود كان مش متوقع الاية دي لان حقيقة الايمان يا جماعة محتاجة وقت ان الذين قالوا ربنا الله ثم استقاموا. الايمان بجده تحقيقه بجده - [00:05:49](#)

لأ محتاج ان انت تروح وتيجي مع نفسك كثير تضعف شوية تتعلم شوية تكتشف نفسك شوية آآ تفهم نفسك اكثر تعرف اصلا ايه هو مراد ربنا بجده انت كل شوية - [00:06:10](#)

بجده بتجده اصلا اسلامك ده. اللي انا كنت فاهمه ده مش هو ده الدين. الدين اكبر من كده. الدين اعظم من كده. اللي مطلوب مني ساعات كده يا عم انا احسن من فلان ده ده - [00:06:23](#)

منافق ولا ده بيشرب خمر ولا ده كزا بعد شوية تفهم ايه تفهم يعني ايه كويس اصلا في الدين انا الحمد لله بصلي واصوم بعد شوية تفهم ايه ايه هي العبودية اصلا - [00:06:33](#)

وهو يعني ايه اصلا نصرة الدين وانه اللي بيحصل في الاقصى ده حقيقي يعني حرفيا انت اللي ربنا هيسألك عليه انت فاكر في الاول انه الالتزام حاجة بعد كده اكتشف انه حاجة فسيدنا مسعود بيقول يعني احنا كان قعدنا اربع سنين وبعد كده ربنا نزل الاية دي. وهو كانه ايه؟ ده دلوقتي بيتقال لنا كده - [00:06:44](#)

اه لان الايمان الحقيقي ما بيتجاش بسهولة ما بيتجاش بسرعة. وللازم كل شوية تراجع نفسك. ربنا يقول في سورة الصف اللي هي سورة مدنية يا ايها الذين امنوا لم تقولون ما لا تفعلون؟ العتابات دي ما بتخلصش ليه؟ لانه انت الانسان بيبضعف ويبأسر - [00:07:04](#)

آآ وفي حاجات بتقع منه وربنا بس لنا دعوة بقى لزي ما قلنا ايه؟ للايمان. دعوة للايمان. قال الله الم يأن الذين امنوا ان ايه؟ ان تخشع قلوبهم لذكر الله وما نزل من الحق. ولا يكونوا كالذين اوتوا الكتاب من قبل. فطال عليهم الامد - [00:07:24](#)

فقس قلوبهم وكثير منهم فاسقون. بعد كده ربنا يقول ايه؟ اعلموا ان الله يحيي الارض بعد موتها. قد بينا لكم الايات لعلمكم ايه؟ تعقلون. دي خطوات يا جماعة قسوة القلب. لما تيجي تلاقي نفسك بتقول - [00:07:44](#)

انا القرآن مش بياسر فيا انا مش انا مش بخاف من النار انا الموت ما بيحركنيش آآ لما تلاقي نفسك بتتكلم عن انا حاسس ان انا حجر. يعني انا حاسس انه انا رحمت رحمت اه على المقابر وما حسنتش بحاجة. انا رحمت عند الكعبة - [00:08:04](#)

وما بكتش. ماشي؟ شف لحد فين؟ لما تلاقي انه فيه في قلبك فيه مشكلة. مبدئيا كده ده اسمه ايه؟ قسوة. ربنا سماه والخصم دي

ممکن تصل للفل الحجر. مما قصد قلوبكم بعد ذلك فهي كالحجارة او اشد قسوة. في قلوب - [00:08:24](#)

اشد قسوة من ايه؟ من الحجارة. ايه اللي بيحصل بقى يعني ليه القلوب آآ بتقسو وازاي؟ وايه العلاج؟ شف النبي صلى الله عليه وسلم بيقول ايه؟ اجيب بس الحديس عشان نقراه ونشوف القلب بيحصل فيه ايه. قال النبي صلى الله عليه وسلم ايه؟ تعرض - [00:08:45](#)

ايه؟ الفتن على القلوب. تعرض الفتن على القلوب. عرض الحصر عودا عودا فايه اللي بيحصل بقى؟ فالقلب بيبقى حاجة من اتنين. بيتعرض عليه فتنة. يفتح السكرول يلاقي فتنة. يمشي في الشارع يلاقي فتنة. يبقى قاعد مع ناس يلاقي فتنة - [00:09:08](#)

هنروح حتة هنعمل حاجة كلام على موضوع اتفتح اه اه غيبة اه ايا كان الفتنة فيه فتنة اه هيغش هيتسرب مش عارف ايه فتنة في فتنة تعرض على القلب بقى. فالقلب ايه رأيك في الفتنة دي - [00:09:27](#)

هتعمل معها ايه؟ فاي قلب اشربها انا موافق هادي ولكنكم فتنتم انفسكم. الفتنة جت فهو قال ايه؟ ما فيش مشكلة. نوكي تدفي ايه؟ نكتة سوداء. نكتة دي يا جماعة نقطة - [00:09:45](#)

نكتة نكتة سوداء. واي قلب انكرها نكتت فيه نقطة ايه؟ بيضاء. فالنبي صلى الله عليه وسلم بيشرح ايه القلب القلبيين بيحصل فيهم ايه؟ فتعالوا نمسك الاول. طيب نقطة سوداء وده اللي احنا عايزينه - [00:09:59](#)

آآ خليني بس اجيب ايه؟ نص الحديث ده. ماشي ده احسن في صحيح مسلم. احسن بمعنى ايه؟ اشملي يعني اه حتى تصير على قلبيين. يعني هو عمال يا اما بيتحط في نقط سودا يا اما نقط بيضا. القلب الاول ابيض مثل الصفا فلا تضره فتنة - [00:10:15](#)

تخيل ما دامت السماوات والارض عارف هو عمال ياخذ النكتة البيضاء دي هي عارف شاشة محطوبة عشان خلاص ده بتحميه اصلا ده بتقويه اصلا القلب بيبقى اقوى بسبب دفعه للفتنة. فالنبي صلى الله عليه وسلم يقول ايه؟ مثل الصفا لا تضر فتنة ما دامت السماوات والارض. والآخر - [00:10:35](#)

يبقى ايه بقى؟ اسود مربادا كالكوز. اسود ماشي؟ مربادا كالكوز يعني عارفين الكوز يا جماعة؟ بس بيبقى ايه؟ يعني الكوز يعني اه يعني مش مش لازم بيبقى القمع يعني قصدي هو يعني حاجة بتتشرب فيها عاملة كده. خلاص؟ بس مقلوب. المقلوب ده - [00:11:01](#)

ايه مشكلته؟ ايه الفكرة في انه مقلوبة؟ النبي صلى الله عليه وسلم يقول ليه مقلوب؟ عشان هو خلاص مش هينفع يخش فيه حاجة اصلا. فبقى عليه اصلا برضه غلاف وكفر - [00:11:19](#)

بس بيمنع عنه النور. فبقى اسود وبقى كلكوز ايه؟ ومقلوب. لا يعرف اه هي دي المقلوب. لا يعرف معروفه انه لا ينكر منكرا. هو بقى ايه؟ هو بقى مش بيفرق اصلا دي فتنة ولا مش فتنة خلاص؟ هو بقى بيعمل الحاجة حتى فعلا - [00:11:29](#)

اصحاب المعاصي اللي هم اللي هم يعني اهل المعاصي هو ما بيقولش يلا نعمل معاصي ودي معصية وذنب ودي وده فجور وده فسر ودي كبيرة. الالفاز دي حتى ما بتتقالش. هي بتتسمى بمسميات الزينة والشيطان - [00:11:49](#)

يعني اه نروح كلاب ولا نروح حفلة والفان داي ويلا نتصور وعازي اصحاب هو دا اللي بيقوله الناحية الثانية اهل التقوى هو دي بالنسبة له معاصي وكبائر وصغائر وفتن وشهوات يعني شف الفرق التسمية - [00:12:06](#)

والوصف القلب ده هو اللي كده. فالنبي صلى الله عليه وسلم قال ايه؟ لا يعرف معروفًا ولا ينكر منكرا الا ما اشرب من هواه. يعني هواه اللي بيقول له ده حلو وده وحش - [00:12:22](#)

فقسوة القلب دي لها مراحل فربنا هنا كلمنا عن المراحل دي ولا يكونوا كالذين اوتوا الكتاب من قبل. اوتوا ربنا ما سمهمش اهل اليهود ولا النصراني. سماهم ايه؟ اوتوا الكتاب. فما بالك - [00:12:33](#)

لما ربنا يسميهم الذين اوتوا الكتاب دي اشارة. ان هم كان معهم الوحي وحصل كذا كذا. غير لما يقول اه اليهود. يعني ليه مرة يقول اليهود ومرة يقول اهل الكتاب - [00:12:51](#)

المرة اللي بيقول فيها اهل الكتاب تفرق ان انت تلا حظ ان كان معهم وحي ولما عملوا كده. فهمتوا دي؟ فهنا ربنا بيقول كده ولا يكونوا كالذين اوتوا الكتاب. كان معهم وحي فايه - [00:13:06](#)

فطال عليهم الامد فبعدوا عنه فايه؟ فقسست قلوبهم. فايه؟ وكثير منهم فاسقون. فاصبح الفسق. الفسق يعني كثرة المعاصي ده واحد

يعني مدمن معاصي واول مراحل واضحة جدا يا جماعة. فيه نور خلاص؟ ما هو عشان كده الرب بيقول ايه تخشع قلوبهم لذكر الله. ما هم في مرحلة بعدت قوي بس هي من الاول كده في - [00:13:17](#)

فيه وحي فاما ان انت قلبك ياخده مع الحديث ده. اجمع بقى. مع ان هو يحمي نفسه من الفتن كده بيقى هو ايه؟ كده بيقى هو قلب حي. واما ان هو يبعد عنه يتجنبه اصلا ويهمله. ربنا - [00:13:41](#)

وهم ينهون عنه وينأون عنه. ينأون يعني يبيعدوا. يعني هم بينهوا الناس ويبيعدوا. وبعد كده ربنا يقول ايه؟ ايه لا وان يهلكون الا انفسهم ولا يشعرون. هو مش فاهم هو بيضيع نفسه ازاى. واحد يبيعد عن القرآن - [00:14:01](#)

ده بيهلك نفسه. مراحل قسوة القلب عبارة عن حاجتين كده اول حاجة علاقتك بالوحي تاني حاجة علاقتك بالفتن ففي واحد ماشي في الفتن ومكتر ومبهدل نفسه. فنور الوحي ضعيف. يعني تأثيره تأثيره عليه ضعيف. مش عشان نور - [00:14:20](#)

الوحي عشان قلبه بقى مش ما هي دي نور على نور. الناحيتين لازم بيقى نور. ما ينفعش القلب بيقى قلب اسود وكلكوز وتقول لي انا عايز القرآن يغير لي. لأ. يعني لازم تحترم سنة ربنا في ازاى القرآن بيأسر - [00:14:40](#)

نور على نور. فالموضوع مرتبط بالمرحلتين دول. مرتبط بان انت تحمي نفسك من الفتن تتعارض للوحي. فلما يسبب نفسه ويبعد ويطول في الموضوع ده طالع عليهم الامل. يعني نكتة نكتة حتى يصبح - [00:15:00](#)

خلاص ايه اللي يحصل؟ خلاص القلب يبسط. خلاص القرآن ما يأسرش فيه. خلاص القرآن يضل. تخيل القرآن يضل! خلاص القلب هو زي ما سوفت وير بايز السوفتوير بايز انت بتنزله اللاتي فيروس بيبوظ. فهو السوفتوير بايز - [00:15:20](#)

ايه اللي بيحصل؟ ما بيقبلش قرآن. لا هو اصلا القرآن بيشتغل معه بالعكس. القرآن ايه اللي بيحصل؟ بيشتغل معه هو يقول ماذا اراد الله بهذا ايه اللي بيقوله في القرآن ده؟ هو ده معنى ماذا اراد الله بهذا المثل؟ ربنا يضرب المثل يقول له ايه ايه الاية دي؟ تخيل تخيل رد فعله على القرآن كده ايه يا عم اللي بيتقال ده؟ ده - [00:15:38](#)

يضل به. كثيرا بالقرآن يعني. فويل للايه؟ للقاسية قلوبهم من ذكر الله فالفكرة كلها انت دي صورة من ربنا. فيه فتن وفيه وحي. هتتعرض للوحي وتحمي نفسك من الفتن قلبك هيبقى حي وقلبك هيبقى صاحي - [00:15:58](#)

وما فيش مشكلة. هتتعرض للفتن وتسيب نفسك لها وتقصر مع تعرضك للوحي وتطول في ده شوية. ايه اللي يحصل؟ قلبك يقسو. وتلاقي الفسق بان عليك تلاقي المعاصي زادت بقت سهلة. كل بقى اللي في الاخر اللي احنا قلناه في الاول دي كلها البواقي يعني ما تجيش تكلمني فيها اصلا انا حاسس ان انا مش بقدر ان انا - [00:16:26](#)

يا باشا انت انت اصلا عيان. انت عندك فيروس. انت جاي تكلمني في ايه؟ انا مش انا مش بعرف اقوم لما اسمع اصلي انت ايضا كويس ان انت هنا ده فيه فسق اصلا بس انت اللي مش ملاحز. يعني انت بتبقى واصل للمرحلة اللي ربنا قالها بس انت مش عارف اصلا تشوف في الفسق. ده حاجة تانية. وخش - [00:16:46](#)

بعدها في مرحلة كمان ايه؟ لما الواحد بيكتر من الفسق بيخش في ايه؟ لا لا لما القلب بيبوز بالشهوات بيبوظ على الشبهات. كتر الفسق هو اللي بييجب مشاكل مع الشبهات. ضعيف القلب ايمانا هو ده اللي الشبهة - [00:17:06](#)

بتطيره كده. يعني المرض الاساسي مرض ضعف ايمان برضو. فمهم ان انت تبقى فاهم انت بتعمل ايه في نفسك لما اجي اقول لك انت ما بتجيش الدرس ليه؟ ليه اصلي مسحوش؟ انت مضحوك عليك. انت مقصر مع نفسك - [00:17:27](#)

جدا. لما بتعمل في نفسك كده. فخلي بالك. قربنا بعد كده يدينا امل وبشرى ايه قال لك ايه اعلموا ان الله يحيي الارض بعد موتها. فزي ما ربنا بتبقى في ارض كده جرداء وتلاقيها زرعة - [00:17:48](#)

القلب ده ربنا يرجعه قلب عادي جدا مؤمن سليم. شوفوا بقى سيدنا خالد ابن الوليد كان فين كان عامل ازاى في الكفر وبقى عامل ازاى في الاسلام تمنع الكريمة كان عامل ازاى وبقى عامل ازاى. سيدنا عمر بن الخطاب كان عامل ازاى بيقى عامل ازاى. ربنا يقول لنا اعلموا ان الله يحيي الارض. بعد موتها - [00:18:08](#)

فكما يحيي الارض هياحي قلبك اكيد. وهو ده اسهل عند خلق السماوات والارض اكبر من خلق الناس. قربنا قال لك انا بعمل اللي اكبر

من كده فما تقلقش على دي. يعني لو انت عايز تتوب وتزول القسوة وكده - [00:18:28](#)

سهلة طب اعمل ايه يا مينو بقى نفس الكلام بص الياه ان المصدقين والمصدقات واقرضوا الله قرضا حسنا يضاعف لهم ولهم اجر كريم والذين امنوا بالله والرسول اولئك هم الصديقون والشهداء عند ربهم لهم اجرهم ونورهم. آمنوا بقى هتلاقي الايات الجاية ترجعهم تاني ايه؟ اشتغل وابزل وحقق الايمان وتصدق - [00:18:43](#)

وامنوا وجاهدوا وهم دول اللي الفائزين. فرجعت تاني اتكلمنا بعد ما هتقول بلاش القسوة البعد ده بيوجب قسوة آآ ارجع بقى للي احنا عايزينه اصلا من الصوف. بعد كده نيجي للشوط الياه؟ الخامس. صح؟ ايه يا رب - [00:19:03](#)

خلى المنافقين دول كده يعني ايه اللي بيخلي الناس ما تؤمنش ايه الم يأن للذين امنوا ان تخشى ليه واحد مش عايز ايه السبب الاساسي الرئيسي الوحيد للبعد عن الجنة للبعد عن الدين. للركون كده - [00:19:23](#)

ايه الدنيا؟ اللي انتم فيه ده. فالاية دي جت تقول اعلموا انما الحياة الدنيا وقعدت تتكلم عن الدنيا لازم كنا نفهم ليه بالزات المنافقين.

سورة التوبة ربنا يقول ومنهم ومنهم وبعد كده يقول النبي صلى الله عليه وسلم ايه؟ فلا تعجبك اموالهم او - [00:19:43](#) الدنيا اللي معهم دي. اللي هم باعوا كل ده عشانها. منطقي يعني منطقي ان هي تبقى الدنيا يعني انا مش بقول حاجة مش بقول سحر. مش بقول سر حاجة. هي طبعي واحد عايش - [00:20:03](#)

حاجة الحاجة دي اختارها على حاجة تانية. دي اسمها الدنيا. فجاء هنا عشان ايه اللي بعد الناس؟ ايه السبب الاساسي اللي بيخليك ما تعملش اللي ربنا يريد. ما تحققش العقيدة وتؤمن وتقيم الدين. ان انت اللي ما قدامك ده اللي انت شايفه ده اللي انت عايش فيه ده - [00:20:13](#)

غلبك فهنا بقى الايات جاية تكلما عن حقيقة الدنيا. ايه هي الدنيا دي؟ فربنا بيقول اعلموا ودي من العجائب ان انا اول حاجة احنا هنتكلم عن واحد اتنين ثلاثة اربع حاجات ربنا قالها هنا عشان نتعرف على الدنيا - [00:20:33](#)

من العجيب ان هو بيعرفنا على الدنيا انا عايش فيها بس لا انت من كتر ما الدنيا خدعتك انت مش فاهم انت فين. انت في حاجة تانية. بالنسبة لك. فتعالوا معلش اقول لك انت فين. يعني تقل - [00:20:51](#)

انا عايز اقول لكم ان دي انه ده بيت. ما انا عارف لا لا انت كنت فاكركه قصر بقى. مم. هو ده اللي حاصل في الدنيا. احنا شايفين حاجة ثانية خالص - [00:21:05](#)

فربنا يقول لنا اقول لكم الحقيقة معلش عشان الخداع البصري اللي حصل لك. اول حاجة اعلموا ايه بقى؟ انما الحياة الدنيا لعب ولهو وزينة وتفاخر بينكم وتكاثر في الاموال والاولاد. اعرف ان الدنيا هو اللي انت شايفه فيها بس. يعني - [00:21:15](#)

انا لو كنت بقرا الاية دي ايوة يا رب ماشي ما هي دي حاجة حلوة. لعب ولهو وزينة وتفاخر. يعني انا كنت زمان والله لما اقراها طب ما انا كده ما اخترعتش يعني انت جايب انا حاسس ان الاية دي بتحبيني في الدنيا. يقول لي الدنيا دي ايه؟ لعب ولهو وزينة ما حلوة اهي - [00:21:35](#)

بعد شوية لقيته نفسي بقول ايه؟ كنت رابطها بلعب الكورة. انا بحب اللعب كورة. فبعد شوية بدأت اشوف انه لعب الكورة ايه هو ده بس لعب الكورة. يعني ايه؟ يعني احنا بنلعب او كي ماشي؟ بس بصوا بقى على ما نروح نحجز ومين جاي؟ ونروح - [00:21:53](#)

وبعد كده ساعات يبقى الجو برد بقى وعلى ما نسخن. مش عارف ايه. وبعدين ساعات نلعب واللعب يبقى وحش. وساعات الكورة تضيع. وساعات تتصاب. وبعد كده عمال بعد كده اروح واصحى تاني يوم جسمي مكسر. اهو هي دي الكورة اللي في الدنيا. فاهمين؟ هي دي بس. يعني هي مش هتبقى احلى من كده. هو ده - [00:22:13](#)

يعني هي ده هو ده اللزة. سواء الكم والكيف. يعني انت هي دي يعني انا مسلا عايز اللعب كورة عشر ساعات ما طب عايز اللعب كل يوم بردو مش متاح يعني طب عايز اسافر انت بس تيجي تشوف واحد بيحب السفر بص بقى - [00:22:33](#)

اولا فلوس قد ايه؟ بكام؟ معي كام؟ فاضل قد ايه؟ وقت ايه السفر ده انت فاهم عايز عشرين ثلاثين خمسين الف ما هو مش بتسافر بعشرين جنيه. انا بتكلم مش بتكلم على فرع اسكندرية - [00:22:53](#)

وتعالوا اقول لكم ازاي رحى اسكندرية بخمسين جنيهه عشان انا بتكلم على انا عايز اسافر. طيب بعد كده بقى تعال نطلع فيزا بقى يا لهوي وتروح وناقص ايه؟ تخيل انت عشان تسافر - 00:23:03

عشان تروح الاسبوع السفر ده هجيب بنك ستيك مينت واتش ار ليتر وشهادة من الجامعة واجيب ايه وعايز اجدد الباسبور انت بتقعد في بروسيس بنت لزينة ممكن توصل لشهور وتصريح امني وتصريح سفر - 00:23:13

كل ده عشان تدخلوني الطائرة؟ اه هي الصفا والسفر كده. وتساfer في طائرة بقى وسحبت اربع خمس ساعات وترانزين ثلاث ساعات واربع خمس ساعات تانيين هو هو ده السفر. يعني ما فيش حد بيسافر غير كده. هو ده السفر. الكم والكيف. هو هو ده انت بقى لما بتطلع من الموضوع - 00:23:27

بتلاقي نفسك ايه يعني هو ده الموضوع اه يعني هو ده هو ده اخره هو ده اخره يعني عايزين ناكل اكلة حلوة. رحنا مطعم انت عارف ساعتها بقيت عندي مشكلة - 00:23:46

دلوقتي انه الموضوع بتاع اللي هو الجوسي والكرانشي وكده ده فهيلينا بكلام بجد والله. بقى يخلينا الاكل انا وهما طبعاً عايزين يبيعوا فهو بيمسك ويعمل كده هو انت بعد كده المهم لما تروح مطعم وتاكل انت مستني اللازمة دي بس انت بتنزل طبعاً تحتها ايه ثلاث اربع حقت. المهم انه هو ده اخر الاكل اه - 00:23:56

وغالي ومطعم مش عارف ايه ورجعت وخش الحمام وارجع مش عارف ايه وبطني وجعاني. هي ربنا بقى بيقول لي ايه على فكرة هي دي الدنيا بس. فهمتم معنى الاية؟ انا كنت فاهمها غلط. انا كنت فاكرها ايه - 00:24:19

الدنيا لعب ولهو وزينة. لهو بيقول لي الدنيا اللعب ده وشوية اللهو ده وشوية الزينة دي ودي الدنيا. هي دي الدنيا بس انو لزة متاع الدنيا في الكم والكيف هي اللي انت شايفه واللي انت بتعيشه بالحدود بتاعتها بالتغصيص بتاعها - 00:24:35

يعني ساعات كده في ماتش في ماتش ويلا انا احب اتفرج على الكورة. ماتش تتفرج على الماتش ماتش وحش. يعني ساعات فعلاً فعلاً ماشي الماتش ما طلعتش حلو. واكتشفت ان احنا هنا - 00:24:53

احنا دلوقتي في مرحلة انت حاجة واتنين يا اما حرام لسة عايش في الوهم ده! انا بتتفرج عشان فريق تكسب! فانت مش بجد والله انت اللزة لو فرقتك كسبت! لو فرقتك كسبت انت مش مبسوط! فقعد ساعة ونص! بيتفرج تسعين دقيقة - 00:25:03

على ماتش متضايق منه او انت النوع اللي هو الكويس ان شاء الله اللي هو بيتفرج للمتعة ده. ماتش عادي ماتش مش حلو عادي. يعني بقى شف بقى اي متاع في الدنيا خلي بالك من الخواطر - 00:25:17

الجميلة اللي اتقالت ان انت بص المراحل العمرية. الطفل هو عنده ايه؟ من سنة مسلا لثلاث اربع سنين. هي الدنيا بالنسبة له لعب وبعد كده بتحول للهو ايه الفرق بين اللاعب للهو اللي هو اللي هو الجيمز يتفرج على حاجة اللي في الاول ده بيلعب اللي بعد كده ده بيتحول لموضوع - 00:25:29

لهو لو عايز اللعب كورة وعايز آا اسافر مع اصحابي لعب ولهو. وبعد كده بتخرج لمرحلة بعد الجامعة او حتى في الجامعة بتتحول لزينة يعني تلاقي نفسك كده عايز تسرح شعري يعني انت وانت عندك سبع سنين ولا فارق معك التلاميذ صح؟ بعد شوية بقى انا لابس ايه وشعري وعملت بتحول لزينة - 00:25:48

وبعد كده لما اخلص الجامعة هتشوف انه ايه وتفاخر بينك وشغال فين؟ اتعينت انا معي عربية ايه؟ انا رايج لفين؟ انا هسكن فين وبعد كده تلاقي هو تكاثر في الاموال عايز احوش وبخلف. سبحان ربي بيقول لك هي دي بس بقى. يعني تأمل اللي في الدنيا - 00:26:09

واعرف ان هي دي بس الدنيا. فالواحد فعلاً بقى يا رب يعني ما فيش اكر من كده ممكن يبقى حد ثاني معه اكر من كده بس بتكلم على بنيتها كده. خلي - 00:26:29

يعني ما تقوليش ما هو فيه واحد بيسافر ايوه انا ما لي به دلوقتي انت حضرتك ايه؟ انت ما معكش عربية اصلاً فيعني فاهدى شوية انا بكلمك عن دنيتك انت - 00:26:39

هي دي بس هي دي بس تقعد تتفتحت عشان تجيب جزمة وتبص على البيدجز وتعمل وحد يعرف يوريهاني وتطلع ماسة صغير

وترجع هي دي الدنيا. بس كده. بس كده لزة هي دي - [00:26:49](#)

دي اول حاجة ربنا بيقلها لك عنها. احنا دلوقتي بنتعلم ازاي ما نوقعش بسببها فدي اول حاجة بنعرفها. وبعد كده ربنا يقول ايه؟

كمثل غيث. بيقول لك هسبه لك برضو الدنيا بايه؟ غيث. اعجب الغيث مطرة. اعجب الكفار الكفار هم الضراء - [00:27:07](#)

ماشي؟ اه بيسموهم الكفار. اعجب الزراع او الكفار ايه؟ نباته يعني واحد المية نزلت طلعت زرع الراجل مبسوط به ثم يهيج فتراه

مصفرا فكبر والزرع نضج ثم يكون حطاما. ده ثاني - [00:27:23](#)

في حاجة لازم تعرفها عن الدنيا. ان هي ايه؟ ثم يكون حطاما. انه الدنيا بتزول. وانا هنا مش عايز افكرك بزوالها يعني زوالها يوم

القيامة. لأ انا عايز افكرك بزوال تغير الدنيا على مراحل الدنيا. يعني قصدي ايه؟ يعني تغير احوالها وانت فيها - [00:27:39](#)

ودي حاجة مش من الاخر مش هتلاحزها الا لما العمر يمشي. انت في مرحلة معينة متخيل ان الدنيا كده على طول بعد شوية لما حد

بيموت ولما حد بيسافر ولما مرحلة مش عارف الجامعة تخلص من مرحلة المدرسة تخلص ولما في كل شوية بتحس - [00:27:59](#)

انت مش بتحس. انت بتشوف الدنيا بتتغير عليك. بتلاقي نفسك في وقت معين. في قوة معينة راحت منك. قوة بدنية راحت منك.

خلاص في في في في طاقة معينة راحت منك. في حرق معين راح منك. الانسان حتى معدلات حرقه بتتغير خلاص هي كده. في -

[00:28:17](#)

زروف معينة اتغيرت هي كنا زمان بنسهر يا كنا زمان بنزل يا كت بعمل كذا كل ده بيتغير انسان بيسيب بلد بيروح لبلد صحاب

معينين كانوا معاه فترة مبقوش معاه - [00:28:37](#)

دي من اكثر الحاجات اللي بتضايق في الدنيا. وما لهاش حل. ما لهاش حل. هي الدنيا كده بتتغير. بتزول لحد ما تزول كلية لحد ما كل

اللي انت بتجري وراه ده فجأة بيختفي كده. فاعرف ده عن الدنيا. دي حقيقة الدنيا. رقم ثلاثة ربنا يقول - [00:28:47](#)

في الآخرة عذاب شديد ومغفرة من الله ورضوان. ان هي مرحلة وسيلة عشان نوصل لحاجة اسمها الآخرة اللي هي ما فيهاش غير يا

اما عذاب يا اما مغفرة ورابع حاجة ربنا يقول ان الدنيا دي وما الحياة الدنيا الا متاع الغرور - [00:29:07](#)

ان الدنيا دي بتغر متاع بيغر. متاع بيغر يعني حاجات يعني اقول لك يعني ايه متاع؟ يعني عارفين اللي بيسافر بيبقى معه مثلا شنطة

فيها حاجات هي ده المتاع. ان هي هي - [00:29:24](#)

شوية حاجات بس بتغر. سواء بتغر بايه بقى؟ بتغر بالزخرف اللي عليها. بالزينة اللي عليها. هي شوية سراب. هي شوية وهم بتغر

بتضحك على حد ان هي موجودة على طول ان هي اكثر من كده. ان هي مكلمة معه. ان هي مش هتسيبه. ان هي اللزة اللي فيها

بتزيد بس انت اصبر علي - [00:29:43](#)

يقول لك هي دي الدنيا بتغر اللي عايز يتغر. هي طريقتها كده. والنبي صلى الله عليه وسلم قال كده بقى. قال النبي صلى الله عليه

وسلم للصحابه ما الفقر اخشى عليكم - [00:30:03](#)

انما اخشى عليكم الدنيا ان تنافسوها. وتقتلوا فيها. وتهلكوا فيها. النبي صلى الله عليه وسلم بيكلم الصحابة الدنيا ممكن تبوزكم. على

فكرة الدنيا في غزوة بدر هي اللي عملت مشاكل ما بين بعض الصحابة. لما اتخانقوا علاء الغنائم - [00:30:13](#)

يسألونك عن الانفال الغنائم. ربنا قال لهم قل الانفال لله ورسوله مش بتاعتكم اصلا. فاتقوا الله واصلحوا ذات بينكم. على فكرة الدنيا

هي اللي في غزوة احد خالد بعض الصحابة ينزلوا ويجروا على ما لقوا الغنائم. دي مش حاجة تعيب الصحابة - [00:30:33](#)

دي دنيا بتعمل كده في البشر. والنبي صلى الله عليه وسلم يقول لهم انا خايف عليكم من الدنيا. ما خافش عليكم من الفقر ما خافش

عليكم من اعداء الدين. ده كلام انتم بتقدروا عليه. الدنيا - [00:30:49](#)

اللي بيخش بصدرة كده بيقع فيها مية في المية. والنبي صلى الله عليه وسلم قال ان الدنيا حلوة خضرة. هي كده طعمها حلو ولونها

حلو. حلوة خضرة. وان الله مستخلفكم فيها بشهواتكم بقى انت وهو كده ايه شف الدنيا - [00:30:59](#)

حلوة وانت عندك نفس التموين لها وربنا هيضعك فيها ويشوف انت هتعمل ايه وينظر كيف تعملون فاتقوا الدنيا. بعد كده قال واتقوا

النساء بالزات بقى. فموضوع الدنيا ده انت انت مركز ان هو - [00:31:16](#)

هو ده اللي بيبيعدك عن ربنا؟ الاية دي جاية عشان تقول لك خلي بالك. اللي بيبيعد اللي ما بيحصلش نور اللي ما بيحققش ايمان. اللي بيقلب منافق. الدنيا هي اللي موقعاه - [00:31:31](#)

عشان كده قال لك ايه بقى نمشي بقى ناحية الاتجاه الصح. سابقه الى مغفرة من ربكم. طبعاً الصورة في سابقه دي مركزة معنا صح ولا ايه؟ مش حاسين كده؟ ما هو فيه سارعوا صح في ال عمران، ليه هنا سابقه؟ - [00:31:41](#)

لانه لما هي دي مش الصورة بتاعة السابقون السابقون. ماشي هعديها لك دي. لا عشان هي في الاية بتاعة الانفاق قالت لا يستوي منكم من انفق من قبل الفتح وقبل - [00:32:01](#)

اتكلمت على اللي هيسبق في تحقيق الدين. فهنا جاي اتأكد لك المعنى تاني. احنا مش بنتكلم على حقك الدين بس. احنا بنتكلم اسبق كمان. فبيقول لك بقى مالدنيا واجري ناحية الجنة سابقوا الى مغفرة من ربكم وجنة عرضها كعرض السماء والارض ايه؟ اعدت للذين امنوا - [00:32:11](#)

ذلك فضل الله يؤتي ما يشاء والله ذو الفضل العظيم. اعدت دي آآ جميلة قوي. انا بحب جدا واعدت دي ولان هي فعل ماضي. هي موجودة. تصور ان الجنة موجودة. حاجة حاجة عجيبة - [00:32:31](#)

تصور انه الجنة موجودة وفي ناس فيها حاجة عجيبة الشهداء ربنا بلغنا ان هم فرحين بما اتاهم الله من فضله ويستبشرون بالذين لم يحقوا به من خلفهم. والنبي صلى الله عليه وسلم قال ان ارواح الشهداء بتسري في - [00:32:47](#)

وبعد كده بتستقر في قناديل تحت العرش ان النبي صلى الله عليه وسلم بيقول انا دخلت الجنة فشفت فيها كذا ويوصف لنا الموضوع ده عجيب ان هي موجودة. مكان موجود. اعدت والتانية برضو اعدت - [00:33:05](#)

وخدوه الناس والحجارة اعدت للكافرين. اعدت دي عجيبة. لان الجنة موجودة. والنبي صلى الله عليه وسلم قال اشتقت الجنة لثلاثة. الجنة مشتاق. الجنة موجودة الجنة مخلوق موجود. وفي حديث النبي صلى الله عليه وسلم بيقول انه الجنة والنار تحاشى. يعني

قعدوا يتكلموا وتقول انا خلقت لدول اللي يعذبوا - [00:33:19](#)

المتكبرين ودي تقول انا خلقت موجودة يا جماعة ما كان موجود ده دي فكرة عجيبة ان انت وانت يعني هي موجودة في بعد اخر في العالم الاخر دي موجودة وعدت خلاص. حاجة عجيبة فعلاً انها موجودة فاضل بس اروح. فلفظ اعدت ده آآ عجيب جدا يعني.

عرضوها برضه - [00:33:39](#)

كعرض السماء والارض. كان ممكن يقول يعني الحاجات دي هي اللي بتفرق يا جماعة. كان ممكن يقول سابقوا الى مغفرة بكم وجنة. ذلك فضل يؤتي ما يشاء. انما هو بعد جنة. قام قايل لك - [00:34:00](#)

عنها ان هي عرضها عامل ازاى وان هي اعدت. فركز في التفاصيل دي لان هو مش بيقولها لك عشان يعني مش اللي هو السطر فاضي. ده هو بيقول لك عشان تركز فيها - [00:34:10](#)

في عرضها كعرض السماء والارض دي عجيبة برضو. وده الفرق ما بين اللي دماغه آآ واحد فاهم ايه؟ يعني بيحلم كده ويتفكر ويسرح وما بين اه غيرك كده وخلاص. في غزوة بدر النبي صلى الله عليه وسلم قال قوموا الى الجنة عرضها السماوات والارض -

[00:34:20](#)

فالصحابة ماشي انما في صحابي ركز في انت بتقول انه عارفين الانسان اللي بيدقق ده ده بيفرق جدا لو عمل كده مع القرآن. يدقق. ايه ده ايه ده! استنى بس دي الحتة دي ما تتفوتش. ده. الصحابي عمل كده. عمير بن حمام - [00:34:40](#)

يا رسول الله عرضها السماوات والارض هو بس ايه هو هو حط السما والارض جنب بعض؟ هو الموضوع كده مش منطقي يعني هي الدنيا الدنيا عبارة عن الكرة الارضية دي نقطة في السماء الاولى. فيعني ايه عرض اصول؟ يعني ايه يعني ايه الريشو اللي ما بين اللي

احنا فيه والجنة؟ لا يعني - [00:34:59](#)

خلاص هي اصلاً مش مش هتذكر يعني دي لما تتحط آآ كرقم هي مش هتذكر ده دي نقطة. السما الارض السما الاولى دي نقطة فيها

ودي عرضها السماوات مش السنة الاولى يعني مش الارض والسما لآ السماوات اللي هي السماء الاولى اقل حاجة فيها - [00:35:19](#)

فالصحابي بقى ايه تحس ان مخه ايه الراجل ده مهندس. يعني الراجل ده بي فكر بجد بي فكر يعني بجد يعني الراجل ده ما عداش هي ما تتعداش فعلا. عرضها السماوات والارض ما تتعداش هو قعد يعمل كده. وتخيل هو ده يعني عشان يقول لك هنزهق - [00:35:38](#)

الجنة يا ابني انت انت مالك ثلاثين سنة في الدنيا وما خرجتش برة العجوزة فما تقلقش انت مش هنزهق خالص. انت يعني انت العالم كله مش هتلق تلفه فاهم لو عشت الف سنة مش هتخلصوا اللي هي دي. فما بالك لما تبقى الجنة عرضها - [00:35:56](#)

السماوات والارض الصحابي ما لأ معلش يعني رسول الله عرضوه السماوات والارض قال نعم. فقال بخن بخن بخن دي يعني واحد يقول ايه؟ الله الله. فاهم؟ يعني هو يا نهار ابيض! انا عامل كده. فالنبي عليه الصلاة والسلام بيقول له انت قلت ايه؟ انت - [00:36:12](#)

ليه انت بتقول كده ليه؟ آ قال له لا يا رسول الله الا رجاء ان اكون من اهلها انا مش مستغرب انا بس انا مستغرب استغرابي ياه لو انا فعلا ابقي في المكان ده. فالنبي وسلم قال فانك من اهلها. انت ان شاء الله هتخش الجنة. ده واحد ده واقفين في الغزوة - [00:36:29](#)

فهو قاعد بياكل تمر كده فما لي هو انا يعني فاضل لي بس يعني انا اقعد اكل التمر ده ولا ارمي واخش بقى واروح الجنة. هو عارف هو خلاص يا اسامة بيقول له - [00:36:49](#)

الجنة وبيقول لهم قوموا الى جنة. فهي ما هي التمر ايه يا عم! انا هقعد اضيع وقت في التمر ليه ولانها لحياة طويلة ايه اللي انا بعمله ده؟ انا رامي التمر واستشهد. هو خلاص يا جماعة الجنة سيطرت عليه من الحتة دي. فما تفوتش انت الحنت الكثيرة - [00:36:59](#)

عن الجنة دي لان انت محتاج حتة واحدة بس تزهك عن الجنة. ومش زي مسلا هنا النبي صلى الله عليه وسلم بيتكلم عن حجم الجنة. حجم الجنة لو انت ركزت فيه - [00:37:15](#)

والنبي صلى الله عليه وسلم يقول اهل الجنة يتراءون كما تترأ الكوكب الدوري. يعني لما يعني كان بقى في ارتفاع الجنة. بيشوفوا بعض زي ما انت بتبص على القمر وبتبص على النجوم. دي المسافات - [00:37:25](#)

فالمسافات بقى حاجة تخليك ايه الجنة دي عاملة ازاى دي ولا هتخلص امتى ولا فيها ايه ولا يعني ايه كل ده حجم الجنة بس ما يعني سعة الجنة تخليك تزهل. وفي احاديث كثير قوي النبي صلى الله عليه وسلم بيتكلم عن طول باب الجنة - [00:37:38](#)

وعرض باب الجنة انه مسيرة سبعين عام. واحد يقعد يجري بفرس سبعين سنة عشان بس عرض الباب. والنبي صلى الله عليه وسلم اتكلمنا قبل كده عن انه المؤمن بيبقى له اه اه خيمة في الجنة طولها ستين ميل. لا هو الموضوع كده ايه - [00:37:57](#)

الموضوع محتاج ان انت تتأمل يعني ايه جنة هو الواحد حاسس ان هو لو قعد في في الخيمة دي بس هو مبسوط ومستمتع وما يخلصش اللي فيها. ستين ميل. يعني آ زي طريق السخنة - [00:38:14](#)

طب ده الطريق السخن ده لو مليون حاجات انت ما تخلصوش اصلا انت ما خلصتش طريق دهشور. ايوا والله كمية المطاعم طريق دهشور زي بعضه دول انا عمري ما هخلص المطاعم دي كلها صح - [00:38:28](#)

يعني انا ما عنديش وقت لكل ده فما بالك بالجنة. فهتم المدخل ده؟ وبعد كده ايه بقى؟ اية اثنين وعشرين جميلة جدا ومهمة جدا. ربنا بيقول بقى ايه ما اصاب من مصيبة في الارض ولا في انفسكم الا في كتاب من قبل ان نبرأها - [00:38:38](#)

ان ذلك على الله يسير. لكي لا تأسوا على ما فاتكم ولا تفرحوا بما آتاكم. يعني من الآخر بعد ما فهمتك ايه الدنيا وفهمتك ان انت مخلوق عشان تسعى للجنة - [00:38:56](#)

دي خامس حاجة عشان تفهم برضه الدنيا ان هي دار امتحان. وان اللي بيحصل لك فيها حاجة اسمها ابتلاء اقدار. وربنا بيقول ما فيش مصيبة بتحصل في الارض بركان بقى زلزال ايا كان ولا في انفسكم ولا حاجة تحصل لك الا في كتاب ان ربنا اصلا مقدرها وكاتبها وعارفها - [00:39:08](#)

وهو اصلا صاحب الامر. من قبل ان نبرأها. البر احنا اتكلمنا في دي اتكلمت فيها انا فاك. لما قلت ايه الفرق بين الخالق والبارئ والمصاب صح؟ فكانت ايه البارئ؟ اللحظة بتاعة الخلق هو ده البر - [00:39:28](#)

يعني ربنا يقدر انه حاجة تخلق ده الخلق. ربنا فعليا يوجدها ده البرق. ماشي؟ فالبارئ اللي بيخلق وتزهر للواقع فهمت يعني ايه قربنا

بيقول من قبل من قبل ان نبرأها عارفين نبرأها دي ايه - 00:39:48

دي مش المصيبة نبرأها للسموات والارض اصلا. والنبي عليه الصلاة والسلام قال كده انه انه انه انه ربنا خلق قدر المقادير قبل خلق السماوات والارض بخمسين الف سنة انه كل حاجة مكتوبة وكل حاجة معروفة فافهم انه اللي بيحصل ده آا اصلا دي اقدار من

ربنا عشان نمتحن في الدنيا اللي احنا فيها - 00:40:03

شوف بقى اللي شايف الدنيا بالعكس بقى ده ومش فاهم حاجة في اي حاجة فالايات دي جاية تقولو ايه جاي تقولو لا افهم انت بتبعد

بايه بسبب ايه وايه حقيقة ان انت بتبعد - 00:40:23

ان هو ده متاعها وان هي هتزلزل وان هي هتودي للآخرة وان هي بتغر وان هي دار امتحان. اي حاجة بتحصل فيها اصلا ربنا اللي عاملها. ربنا اللي يعمل فيك كده. ربنا بيمتحنك. تخيل واحد فتح ورقة امتحان بيقول هو ايه الاسئلة دي؟ مستغرب بقى ليه في

اسئلة؟ مين اللي حط الاسئلة دي؟ هو انا المفروض اعمل ايه في - 00:40:33

ايه يا ابني انت انت مغيب؟ غافل هي دي معنى الغفلة حقيقية. لا ربنا بيقول لك اللي انت فيه ده ربنا اللي خلقه. اللي بيحصل لك ده ربنا اللي عمله. عشان كده قال لك ايه؟ لكي لا تأسوا على ما فاتكم ولا تفرحوا بما آتاكم. في ناس بقى بتتعامل مع اللي بيحصل في

الدنيا على انه اخر الدنيا - 00:40:53

لما حد يموت ينهار ولما يجي له فلوسه ينهار برضه. يعني في ناس بتموت لما يعرف مسلا ان مصنعه اتحرق هو مات. بيموت سكتة

قلبية ايه يا ابني في ايه - 00:41:13

الدنيا ابسط من كده بكتير. دي دنيا دي دنيا ربنا خلقها وبيمتحننا. دي شوية ابتلاءات وامتحانات. بسط الدنيا. ما تأفورش. لا هنا ولا هنا متوفورش في الحزن متوفورش في الفرحة الموضوع بسيط الموضوع شوية دنيا ده ده الآلة دي عظيمة في ان هي تخليك يعني

هادي شوية في تعاملك مع الدنيا عربية - 00:41:27

ماشي عادي العربيات خلصت عادي. حاجة في الدنيا وعربية وبتيجي تاني تلاقي نفسك هديت الدنيا خالص. وفي ناس كده الجواز الجواز ده هو حاجة في الدنيا. بس خلاص. يعني يا ريت لو سمحت تفهم ان الجواز ده ايه جزء من الدنيا. فيه واحد بيتصدم لانه ايه

ده - 00:41:47

ايه ده ايه ما هم احنا في الدنيا. ما كانك طلبت اكل وطلع ايه؟ حلو. ماشي لزيز. بس فيه مشاكل. فالاكل لزيز. وفيه شوية حاجات

الاكل اتأخر الاكل بارد شوية. على فكرة الجواز كده. والشغل كده - 00:42:06

في واحد انا عايز اخش الشغل ويسلموا عليا واشرب الكوفي واتبسط واشتغل حاجة بحبها واخذ فلوس وما اتعبش وما بسهرش ليه

لما تروح اشتغل كده وده الشغل اللي هو ما بيكسبش ما انتاش محتاج فلوس. انما الشغل دنيا - 00:42:20

وكل حاجة دنيا فانت بتتعامل بقى مع الدنيا بهدوء كده فاهم وايه اي حطة في الدنيا عادي شوية دنيا. راحت ماشي جت ماشي ما

تأفورش. في ناس بتموت على الدنيا. هو ده اللي ربنا قاله ان والله لا - 00:42:37

احب كل مختال فخور. واحد بقى الدنيا بتخليه واحد تاني خالص. الذين بيخلون ويبدأ بقى ما يصرفش وما يطلعش وبرضو موضوع

الانفاق اهو. ويأمرمون الناس بالخل. يعني واحد جت له دنيا فايه فقام مركب الاقدار غلط واتعمل غلط. فخلي بالك فالشوط اللي احنا

اتكلمنا فيه بعد الوقفة بتاعة ما هانش - 00:42:51

كمان بقى انك تؤمن وما قالش اولاً انك ان قلبك يخشع وما تقلقش وروح لربنا. كلمتنا عن ليه اللي بعد بعد؟ ليه اللي بيوقع بيوقع؟ ليه

اللي بيرفض بيرفض اللي عمل فيه كده ايه؟ الدنيا وبدأ يقول لك ايه هي الدنيا ويرد على طول يقول لك روح بقى للآخرة روح للصح.

آخر شوط معنا لقد ارسلنا - 00:43:11

لنا بالبينات. ان احنا آا ان ربنا بيتكلم ما هو اصلا بيقول لك امن. وبيقول انا باعت لك رسول برسالة وكتاب في شرع عشان تقيمه

وتآمن. اللي بيحصل فيك ده دي سنة ربنا ودي حكمة ربنا من ارسال الرسل - 00:43:31

من اول الخلق انه حكمة ارسال الرسل والكتب عشان نفس الحاجة اللي بطلبها منك دلوقتي ده اللي حصل قبلك وده اللي هيفضل آا

ده اللي ده اللي حاصل من اول رسول - 00:43:51

الكتب نازلة من المعجزات نازلة. الرسالة واضحة. امنوا واقيموا الدين ده وابزلوا وحققوا الايمان. وهي جنة ونار. فانت ده من الحاجات دي والحاجات اللي بيتيجي كتير في القرآن. لذكر الانبياء الكثير بييجي وذكر الاقوام بييجي. انت بتحس ان انت انت مش انت

مش يعني ده موضوع ايه؟ ربنا يقول - 00:44:03

قل ما كنت بدعة من الرسل. يعني مش جاي اقول انا مش جاي افكر حاجة. انا جاي اقول لك حاجة بتتقال من اول يوم لحد يوم

القيامة هتفضل تتقال. الرسل ده قطر - 00:44:23

اوي اوي واحنا دلوقتي يا اسطى احنا المحطة الاخيرة بتاعته. من اول الخلق وربنا دايمنا هو خلقنا ليه؟ خلقنا عشان يرسل الرسل

ويقول لنا امنوا ويشوف مين هيؤمن ومين مش هيؤمن - 00:44:33

فارسل الرسل والكتب والامم. وازاي الناس تعاملت معهم؟ لازم دايمنا نذكر به عشان نفهم اللي هيشز هيشز لوحده. هو طالع برة خط

السير انما ده اصل الخلق قربنا بيتكلم في الآية خمسة وعشرين لقد ارسلنا رسلنا بالبينات. وانزلنا معهم ايه؟ الكتابة والميزان.

بالبيانات اللي هي ايه؟ البيانات اللي هي - 00:44:45

والكتاب يعني ربنا فيه رسل ده مبيانات معجزات وفيه رسل اداهم شرائع. والميزان الميزان اللي هو ايه؟ اللي هو العدل ما احنا قلنا

ان الدين ده نازل عشان يقام ويقام بالعدل ويقام بالحق - 00:45:09

فربما بيقول ارسل ده وانزل ده ليقوم الناس بالقسط عشان الناس تطبق دين عشان الناس تؤمن وتعبد. وانزلنا الحديد والحديد ده

حاجة من اللي ربنا خلقها عطاها لنا عشان نطبق بها الدين ده وعشان نعبده بها. فيه بأس شديد ومنافع للناس. وربنا هيعلم -

00:45:22

مين اللي هيؤمن وينصر الدين وقيمه؟ مين اللي هيتخاذل؟ وليعلم الله وينصره ورسله بالغيب ان الله قوي عزيز وهو قوي عزيز

ومش محتاج حد ينصره فرق كبير ما بين انه بيقول لك اعبدوا ما بينهم محتاج العبادة اصلا. وبعد كده ربنا بيذكر لنا نبذة عن انه زي

ما قلنا كل الرسل - 00:45:40

جت بنفس خط السير نفس السنة ان ربنا وقد ارسلنا نوحا وابراهيم وجعلنا في ذريتهما نبوة والكتاب وعملوا ايه قومهم؟ فمنهم مهتد

وكثير منهم فاسقون ثم خفيينا على اثرهم برسلنا وقفينا على اثرهم بعيسى ابن مريم واتينا الانجيل - 00:46:00

ربنا اتكلم من اول سيدنا نوح لحد سيدنا عيسى اللي هو قبر النبي صلى الله عليه وسلم. كل دول جايبين يبلغوا نفس الحاجة. اللي

القرآن ببيلغها واللي السورة دي بتبلغها. ونزلت بقى كتب ونزلت بشرع. وفي ناس قال له وكثير منهم فاسق - 00:46:20

ده الوضع انما اللي هنا ربنا تاني قلت لك لما هو يذكر تفصيلك يبقى نبص على التفصيل ماشي؟ قربنا قال ايه؟ وجعلنا في قلوب

الذين اتبعوه رافة ورحمة ورهبانية. ماشي؟ هتلاقي بعد رحمة في ايه فوق؟ حد فاتح؟ فيه جيم. فيه جيم. يعني ده - 00:46:36

وقف خلاص والمعنى بيتغير بناء على وقف الابتداء يعني انت قلت رافة ورحمة ورهبانية هتبقى ربنا جعل لهم الرهبانية. لو انت

وقفت تبقى دي جملة جديدة ورهبانية اللي بتدعوها ما كتبناها عليه. هناخذ المعنى ده ربنا بيقول ان هو انزل سيدنا آآ بعت سيدنا

عيسى وانزل الانجيل - 00:46:58

وجعلنا في قلوب الذين اتبعوها الامة مين؟ الامة الحواريين. اللي اتبعوا سيدنا عيسى رافة ورحمة يعني خشية من ربنا. دي الرافة

والرحمة يعني رحمة ما بينهم. فكانوا فكان ربنا نزل لهم شرع ونزل لهم دين. وبعد كده ربنا قال ورهبانية ابتدعوها ما كتبناها عليهم.

ان هم ادخلوا في الدين - 00:47:18

ما ليس منا فكرة الرهبة ان هم ابتدعوها ما كتبناها عليهم هم عملوا كده ما عملوش كده الا ابتغاء رضوان الله هم كانوا كويسة يعني.

سنرى حتى رعايتها وبعد كده ربنا قال ايه برضو؟ فاتينا الذين امنوا منهم اجرهم وكثير منهم فاسقون. تحس الحجة دي ايه؟ جاية

كده عشان تقول لك خلي بالك لما تقيم الدين ده وربنا يطلب منك تؤمن تؤمن - 00:47:38

ما هو ايش؟ تؤمن زي ما هو اراد. بالطريقة اللي الكتاب قال عليها. اي تفرعة هتعرضك ياه هتروح يمين اوي هتروح شمال قوي. يا

هتفرط يا هتتطرف. هو الدين كده - 00:48:02

قيمة لم يجعل له عوجا من الصراط مستقيم فدايما اللي بياخد الدين ده اللي بيّفهمه غلط اللي ما عندوش الحكمة اللي ما عندوش التوازن ودي نعمة من ربنا. نعم انك نفهمك للدين يبقى صح - 00:48:19

كل هذه سبيلي ادعو الى الله على بصيرة انا ومن اتبعني. فمن المشاكل الكبيرة الغلط في فهم الدين. وده ما فيش اكر منه فانك تدعي ربنا انه يفهمك ويعلمك الحكمة نعمة. انما يؤتى الحكمة فقد اوتي خيرا كثيرا - 00:48:35

ربنا اللي بيؤتي الحكمة من يشاء. انك تبقى فاهم ايه هو الدين الصح. وربنا يرزقك اللي يفهمك هو الدين الصح. التوازن يبقى عندك توازن. ده مهم جدا يعني من اللي بيخافوا ساعات دلوقتي من التكفير مشكلتهم في التوازن - 00:48:55

هو مشكلته ايه اللي بعد التكفير؟ يعني انت هتكفر حد طب ما هو ده ممكن يؤدي؟ لا اصبر احنا هنتوازن. مش شرط ان انا كفرته ان انا ايه ان انا هتعامل معه بشكل آآ متطرف. فهو لو هو شايف انه التكفير مش هيوّدي لمشكلة مش هيقول لك ما فيش مشكلة -

00:49:11

بس هو مشكلته انه خايف اصلا من توابع ده. هو نفسه ما عندوش التوازن وخايف يبقى انت ما عندكش توازن فبيخش المشكلة بقي لا بعيد بقي عن الموضوع ده خالص. طب ما هو ربنا اللي - 00:49:31

وفر. يعني ربنا قال الذين كفروا. ربنا قال لقد كفر انا هكفر اللي ربنا كفره انا مش هبعد انا هفضل كده. وانا بكفره هشوف ربنا قال لي تعمل معه ايه؟ ما هو اللي بيقااتلك الكافر اللي بيقااتل آآ - 00:49:41

آآ اخواتنا في فلسطين مش زي واحد كافر عادي قاعد في الشقة اللي قدام يا عم عادي يعني. يعني ده غير ده. فالمهم ان انت بيبقى فاهم التوازن لان دول جم وابتلعوا الرهبانية. وجم في الكلام عن الدنيا وقال لك الدنيا دي هي الغلط ولازم نبعد عن الدنيا خالص.

فبقى - 00:49:56

فبقت تطرف برضه التوازن النبي صلى الله عليه وسلم آآ لما لقي واحد قالوا له في واحد وربط نفسه آآ وقال انا هصوم وآآ ومش هفطر وربط نفسه في الشمس في حر الشمس - 00:50:16

في ناس كده في ناس ده تفكيرها. في ناس جم للنبي صلى الله عليه وسلم. ولما شاف والنبي جم وكانوا اسلموا وجم للنبي صلى الله عليه وسلم لما تابعوا النبي صلى الله عليه وسلم وقعدوا معه كم يوم هم استقلوا عبادة النبي صلى الله عليه وسلم - 00:50:34

ها ايه ده! بس كده! هم كانوا كده وي استقروا وقالوا اما انا لا اتزوج النساء. واحد فيهم معك. اما انا اصوم فلا افطر. واما فالنبي صلى الله عليه وسلم قال لهم اني اتقاكم الى الله - 00:50:51

واخشاكم لله. انا اكرت واحد فيكم بيخاف ربنا. ولكن انا ايه اصوم وافطر وانام واصلي. فيه واحد قال لك انا بصلي وما بنمش. واحد قال لك اهو وسلم يرد عليهم في توازن انتم اللي مش فاهمينه. النفوس كده يا جماعة. النفوس كده. يعني النفوس الشيطان بيشم

النفوس. فيلاقي - 00:51:07

نفسى جبانة. فيرميها على الحتة دي من ليه؟ ليه؟ ليه نقاط ليه يبقى في وتلاقية الانسان ده يا ابني انت ربنا اللي قال لي اعمل كده. هو بامشي ورا نفسه مش ورا الشرع. وفي واحد تاني ايه متهور بقي ها؟ تهور وحماسي وشجاع - 00:51:27

وبيزعق فيقوم جاييه ما هو يا جدعان احنا ليه يعني ما نقوم نعمل واياك نصبر بس نقوم فين قوم انت احنا نروح حنة احنا ورانا درس يعني فتلاقية وبعد كده هو بيقرأ الايات ببسموها ايه الاستدلال الدائري يعني هو هو عايز الايات تقول له كده اهي بتقول يا عم

لأ انت تخش العيادة - 00:51:47

نفسك انا ما ليش دعوة الاية بتبقى ايه هل مفروض نعم ولا مفروض شوية؟ هو ما بيعملش كده. هو ببص للاية باللي هو عايزه الاية تقوله فيبشوفها كده في ناس كده في ناس انا مرة شفت واحد حاجة بتقبض القلب كده. بيتكلم كان في سورة الضحى - 00:52:07

الدوحة عن انه آآ وازاي ربنا هيعوضك في الشغل وانت بس آآ بص لما تشتغل هيديك كذا وبص لو عملته ربنا هيفتح عليك فاسعوا يا جماعة على الرزق ما تقلقش والبرنس هو قلب سورة الضحى - 00:52:25

آآ تنمية بشرية وبيتكلم عن ربنا مش هيسيبك في الشغل. ربنا مش هيسيبك في اللي انت فيه ده وانت بتبزل وبتصحى وبتاع سورة الضحى بتكلم مع النبي صلى الله عليه وسلم عن الوحي وعن النبوة وعن نسي هو هو مسيطر على فكرة ايه؟ الشغل مسيطر عليه فيببص للقرآن - [00:52:40](#)

على الشغل في كده هو فكره آآ كده. فاهل الكتاب عملوا كده فبصوا للدنيا دي هي الياه؟ هي الوحشة وهي المضرة وهي اللي بتبعد صح. فيا هنعزلها. لأ ربنا ما قلش كده. ربنا خدوا زينتك عند كل - [00:53:00](#)

قل من حرم الزنا كل من حرم زينة الله التي اخرج لعباده والطيبات من الرزق. لا تحرموا احل الله لكم الآيات فيه في اعتداء الذين اذا انفقوا لم يسرفوا ولم يقطروا وكان بين ذلك قوامة. فدخل عملوا ايه - [00:53:20](#)

هو انتم عارفين الرهينة فكرتها ايه هو هو ما بيتجوزش ولازم اصلا يحصل لهم اختبارات كده عجيبة ويخش كهف ويقعد عشرين يوم وما يستحمش قصص والصوفية ده خدوها من الصوفية المتطرفة خدوا الفكر ده برضه الفكر بتاع الزوق اللي في الدنيا عشان توصل لربنا وتعلو ولازم تتحرر من جسدك ده كلامهم انا مش ولازم تتحرر من الشهوات ومن الارض - [00:53:40](#)

ايوة يعني قصدك ايه؟ انا قصدي ان هي ما تبعدينش عن الجنة بس انما مش مش هتتحول لكائن آآ مش هبعد عن بشريتي. مش هتتحول لكائن غير حقيقي. فخلي بالك الفكرة دي - [00:54:00](#)

تحس سياسته يعني خط سيره كده منطقي يعني قال له صح ونبعد والدنيا بس لدرجة ان هو ايه ما يتجوزش لا انا ما اتجوزش ما هو دي شهوة ربنا وضاع فيك - [00:54:15](#)

ففي الاخر طبعا ما فيش اكثر من الفضايح للاسف بتاعتهم. ودي مش يعني مش بشمت وخلص والله بس ده الواقع. الفضايح بتاعة القساوسة والقصص طب ما هو ده واحد بيحارب فطرته فهيتكس. فتلاقيه يعني يا عم حرام عليك. يعني اتجوز يا عم وريحنا - [00:54:25](#)

ويقعدوا يخبوا على الحاجات دي وفي طبعا لوكيماتريز وحاجات فاحنة الدنيا ليه؟ عشان هو مش قادر فانت محتاج توصل للتوازن التوازن ده مهم. التوازن ده التوازن ده اللي يخلي واحد مسلا انا فاكر مرة برضه اه - [00:54:45](#)

بالظبط يعني. بس المهم يعني كان في حاجة حرام خلاص او لأ هي كانت حاجة تجوز فهو سمع مش عارف الخطبة انها تجوز فبعد كده قام واقف وقال لهم ايه بصوا يا رجاله بغض النظر انها تجوز بس احنا مش هنعملها - [00:55:05](#)

هو بالنسبة له دي قوة. بغض النزر بغض النزر ان هي تجوز بس احنا هنحرمها على نفسنا. هو فعلا كان شايف انه ايه؟ انا كده اصيع. اصيع مين يا ابني - [00:55:19](#)

هو مش قادر يضبط التوازن ده. مهم جدا انك تفهم طب الحكمة والتوازن ده بيجي من عند مين؟ من عند ربنا. يا رب اهديني. وان انت تتجرد على قد ما تقدر. وان انت يبقى عندك حد - [00:55:29](#)

تسألوا وتتشبثوا وتستعين به عشان ينصحك للتوازن مهم جدا انك ربنا خلقنا ايه عشان نعمر الارض. لأ ده مش التوازن خالص. ربنا خلقنا عشان نعبده وحاجة بسيطة جدا في العبادة اسمها نعمر الارض - [00:55:44](#)

ربنا خلقها عشان نعبده ونرضيه فانك تفهم التوازن في ايه هو النجاح في الدنيا؟ ده موضوع. يعني النجاح في الدنيا ان انا ابقى مسلا ارواح لربنا هل ده هل ده نجاح - [00:55:59](#)

ولا ارواح معه مليون جنيه في هل هو ده النجاح ولا عربيتي نوعها ايه طب الحاجات دي مهمة اصلا للمسلم يعني ايه؟ يعني طب المال قوة اصلا المال قوة. يبقى صح انه يبقى معه اموال؟ اه طبعا - [00:56:12](#)

بس التوازن. هو ان يعني هل هل رضا ربنا في الشهادات؟ واحد تاني يقول لا رضا ربنا في الصلاة في المسجد بس بغض النظر عن نجحت تحس انه دايم الاتنين عكس بعض. دايم في مشكلة فاهم؟ مهم ان انت اصلا توصل لده. وده مش سهل - [00:56:25](#)

وده مش سهل. فده اللي ربنا قاله هنا لما حكى لنا الحكمة من الرسالة اللي بتجيلنا والبيانات اللي بتجيلنا والكتاب اللي انزل علينا زيك زي الام الطبله وفي الاخر دعوة لاهل الكتاب. يا ايها الذين امنوا دي الاية الوحيدة اللي يا ايها الذين امنوا بس بتتكلم عن اهل

الكتاب. وده قول ابن - 00:56:45

وكثير من المفسرين لان هو بيقول ايه؟ اتقوا الله وامنوا برسوله اللي هو احنا مؤمنين به. وبعد كده قال يؤتكم كفلين يعني ايه كفلين كفلين من رحمته. يعني هديكم سواب مرتين. ليه سواب مرتين؟ لان هو كده امن - 00:57:05

آ سيدنا موسى وهىؤمن بالنبي صلى الله عليه وسلم. فاهمين فكرتها؟ يؤتكم كفلين رحمته. طبعاً ويجعل لكم ايه؟ نورا. النور بقى بتاع الآخرة مش هيجي غير كده ويغفر لكم والله غفور رحيم. لان لا يعلم اهل الكتاب. يعني لكي لا - 00:57:22

يعلم اهل الكتاب الا يقدرّون على شيء من فضل الله. يعني انه فضل ربنا انه يهدي وانه يعطي ثواب وانه يدخل جنة او نار دي مش بتاعتكم. دي مش هتيجي غير بالطريق - 00:57:38

لان هم طبعاً عندهم حتة نحن ابناء الله واحباؤه يعني انه يقول ان كانت لكم الدار الآخرة عند الله الامكانات لكم صح؟ الدار الآخرة عند الله خالصة من دون الناس هم كانوا بيتكلموا كده. فلقوا هنا بيتقال لهم ان فضل ربنا - 00:57:48

والهداية والجنة والنار وثواب العقاب ده مش بتاعكم. انتم ما تقدروش عليه انت لو عايزه تمشي في الطريق اللي بيودي لك. وان الفضل بيد الله يؤتيه ما يشاء. والله ذو الفضل الايه؟ العظيم. دي سورة الحديد. سورة - 00:58:05

اه اه جميلة وصورة قوية يعني اسم الحديد مديها قوة يخليك وانت بتقراها كده بقى عمال تتقلب ما بين مين هو ربنا آيات العقيدة اللي في الأول آ بعد كده تقول لك آمن بجد. بعد كده تقول لك خلي بالك اللي هيحصل في الآخرة. وبعد كده تقول لك ما قالش الاوان

انك تأمن آمن بجد - 00:58:20

بعد كده تقول لك الدنيا هي اللي بتعمل فيك كده روح للجنة بقى. وبعد كده تقول لك آ ده خط سير انت واللي قبلك بيتقال لهم نفس الكلام واوعى تبعد زي ما بعدوا. في - 00:58:40

منهم ربنا قال ايه؟ فمنهم مهتد وكثير منهم فاسقون. وبعد كده قالوا ورهبانية ابتعوها. فانت رايح لربنا خد بقى ايه؟ الطريق الصح. لا قلبك يقسو والدنيا تسحرك وتفسق. ولا اصلاً كمان تاخذ طريق غلط من تؤديه - 00:58:50

باسم الدين وده بيحصل. فامنوا فمنه حق الايمان يا جماعة؟ الايمان فيه ايمان حقيقي فيه ايمان مزيف. صح ولا ايه؟ ربنا قال كده؟ فين قال كده سورة الانفال. النبي قال اولئك هم المؤمنون حقا. يعني في مؤمنين مش مش بجد مش حقيقيين. وفي مؤمنين -

00:59:09

بجد اولئك هم المؤمنون حقا ففي مؤمن حقيقي. في واحد لسه بيحاول يوصل لده. وده اللي سيدنا مسعود قاله هسيبك مع الاية دي الم يأن للذين امنوا ان تخشع قلوبهم لذكر الله؟ ما قالش الاوان بقى يا جماعة اسأل نفسك بصراحة سيدنا مسعود بيقول انا قعدت

اربع سنين ولسه الاية دي بتقول لي - 00:59:32

معلش الاوان بقى كنت بقالك كام سنة عايش طب كام سنة واعى اه واصلاً يعني عليك تكليف وبلغت طب بقالك كام سنة بجد بقى مدرك ان انا فعلاً في حاجة اسمها جنة ونار وبلاش لعب ولازم نتحرك بقالك قد ايه - 00:59:52

اسأل نفسك لان ربنا صبور وحليم. بس في نفس الوقت هي هي مش مفتوحة لك. فاسأل نفسك طب امتى؟ يعني هل المشكلة ان احنا مسلاً في شهر اغسطس فالجو حر؟ يعني هي انت امتى المشكلة فين؟ لازم اول السنة تيجي مسلاً؟ لازم رمضان يجي ناس

تخلص - 01:00:12

ولا هو طالع عليا من الأمل وانا عمال اماطل واستنزف كده وقتي فمقالش الاوان يا جماعة والآية دي بسببها احد اشهر العباد اه من التابعين. مين؟ ابراهيم. ايوا اسمه الفضيل ابن عوض. وده كان اسمه اه رقم - 01:00:32

اللقاب دي يا جماعة لما تدقق فيها برضو. كان اسمه عابد الحرمين. يعني يعني الحرمين فيهم ناس بتعبد ده العابد بتاعهم. فاهمين يعني اللقب عجيب جدا عايز اشوفه وهو بيصلي - 01:00:52

يعني ايه عابد للحرامية فاهم؟ فالفضيل بن عياض كان اصلاً ايه؟ اه هو بيقول ان هو اصلاً كان يعني معناه كلامنا هو كان بلطجي. هو كان بيقف يسبت الناس. ده قاطع الطريق. وبعد كده بيقول معدي من جنب مسجد والقرآن بيتلى - 01:01:05

في الصلاة فقام سامع الآية ووقف يسمعها. فلقى ربنا بيقول له ما قالش الاوان الم يأن للدين ان تخشع قلوبهم لذكر الله فاتhez كده. فايه اللي انا بعمله ده؟ وازاي انا بعيد عن ربنا؟ وليه انا بعيد؟ لا يا رب. فبقى الفضائي اللي بنعمله - [01:01:25](#)

اللي هو يعني حاجة يعني لا تتصور لما تبص على الفضيل ده واقواله وافعاله اللي يذكر لان الآية قوية فعلا فالحمد لله يعني ربنا بيرزقنا القرآن. آآ ونسأل الله ان تخشع قلوبنا ان شاء الله. جزاكم الله خيرا. سبحانك اللهم وبحمدك اشهد ان لا اله الا - [01:01:45](#)

استغفرك واتوب اليك - [01:02:06](#)